

Informacija o Abecednom indeksu klasifikacije djelatnosti

Abecedni indeks je ključ za svakodnevnu upotrebu klasifikacije djelatnosti. Svrha mu je omogućiti lako i brzo pretraživanje i pronalaženje odgovarajuće šifre klasifikacije djelatnosti zbog pravilnog razvrstavanja po klasifikaciji djelatnosti i drugih sličnih potreba. Abecedni indeks sadrži pojmove i kratke opise prikazane abecednim redom za cjelokupnu klasifikaciju djelatnosti.

Pojmovi u abecednom indeksu dati su po novoj Klasifikaciji djelatnosti BiH 2010 – KD BiH 2010 i imaju vezu s predhodnom Klasifikacijom djelatnosti BiH – KD BiH. Na ovaj način omogućeno je poslovnim i drugim subjektima da na lakši i jednostavniji način pronađu odgovarajuću šifru djelatnosti sa pripadajućim opisom, kako po KD BiH 2010 tako i po KD BiH.

Abecedni indeks sadrži pojmove iz objašnjenja klasifikacije djelatnosti, ali i njihove sinonime koji su u svakodnevnoj upotrebi. Također, u abecedni indeks su uvršteni i neki pojmovi koji nisu obuhvaćeni objašnjenjima klasifikacije djelatnosti bilo zbog tehničkih razloga, bilo zbog terminologije koja se uobičajeno ne koristi u objašnjenjima.

Prilikom izrade indeksa u odabiru ključnih riječi korištena su i kombinovana dva principa:

- Princip izbora ključne riječi na osnovu djelatnosti koja se obavlja
- Princip izbora ključne riječi na osnovu proizvoda koji rezultira iz obavljanja djelatnosti.

Abecedni indeks predstavlja statistički alat koji olakšava primjenu klasifikacije djelatnosti, te je neophodno prilikom njegove upotrebe čitati i objašnjenja data u klasifikaciji. Svi pojmovi koji se trenutno ne mogu naći u abecednom indeksu, a korisnici ocijene i sugerišu da su bitni za pravilno tumačenje i primjenu klasifikacije, naknadno će se dodavati u indeks. Dopunjene verzije abecednog indeksa će se polugodišnje (u junu i decembru), objavljivati na web stranici Agencije za statistiku BiH.